

Transkription von Stadtbucheintrag KIL 1334a

Ort, Datierung: Kiel, 1334-01-01

Signatur: Stadtarchiv Kiel, Kirchenarchiv, A, Akten Stadtkonsistorium, 1. Buch des Priesterkalands,
 S. 1

Inhalt: Priesterkaland: Satzung

In ghodes namen amen Na godes bord / dusend iar drehundert . In deme ueerun(de) / druttigeste(n)
iare In nighe iares daghe / wart ghestichtet desse broderschop . de / ghehete(n) is de prester kaland to
dem(e) kyle / In de ere godes . Marien syner moder . / Su(n)te Joha(n)nis Baptiste(n) . und(e) alle
godes / hilghe(n) . to salicheyd aller brodere un(de) sus=/tere leuendich un(de) doed . de dar ynne sint
. / ghewesen hebben un(de) noch moghe(n) ent/fanghe(n) werde(n) . deelaftich in wesende en /
yewelik des andere(n) aller gude(n) werke /

Der here(n) un(n)d der prestere schole(n) wesen / ueerun(n)dtwintich . Wil me(n) den tael mere(n) /
dat schal stan to de(n) here(n) . Der leyen / mach ok wese(n) ueerun(de)twintich . Vn(n)d en / yewelik
leye mach late(n) entfange(n) syne / bedderue(n) urowe(n) in unse broderschop //